

Newspaper	Utusan Malaysia
Date	16/3/2013

SABTU 16 MAC 2013

UTUSAN MALAYSIA • MUKA 5

Pencerobohan Berdarah di Sabah

Laporan: (WARTAWAN) TARMIZI ABDUL RAHIM, ABDUL RASHID ABDUL RAHMAN, HISYAMUDDIN AYUB, ASSIM HASSAN dan MABULMADDIN SHAIDDIN (JURUGAMBAR) RIDUAN RIZAL AHMAD, AMIR HAFIZ ABD. RAHMAN dan ABDUL RAZAK LATIF

Tubuh RCI siasat dalang - Dr. Mahathir

UM - 16/3/2013



DR. MAHATHIR Mohamad menyerahkan cek bernilai RM80,000 kepada Khalid Abu Bakar sambil diperhatikan Norian Mai di Yayasan Al-Bukhary, Kuala Lumpur, semalam. - UTUSAN/GHAZALI BASRI

KUALA LUMPUR 15 Mac - Suruhanjaya Siasatan Diraja (RCI) boleh ditubuhkan bagi menyiasat dalang atau penglibatan 'pihak ketiga' di sebalik insiden pencerobohan penganas Sulu di Lahad Datu dan Semporna, Sabah.

Bekas Perdana Menteri, Tun Dr. Mahathir Mohamad berkata, langkah itu bagi membuktikan kerajaan mengamalkan prinsip terbuka selari kehendak rakyat untuk mengetahui kejadian sebenar insiden tersebut melalui bukti-bukti yang dikemukakan suruhanjaya berkenaan.

"Jawatankuasa suruhanjaya itu boleh menyiasat pembabitin pihak ketiga kerana kita mengetahui semua operasi memerlukan wang, jadi sekiranya seseorang itu diisytihar bankrap, saya tidak fikir mereka boleh lakukan semua ini (pencerobohan di Lahad Datu)," katanya.

Beliau berkata demikian kepada pemberita selepas menyampaikan sumbangan sebanyak RM80,000 kepada Tabung Kebajikan Polis Diraja Malaysia (PDRM) bagi pihak Yayasan Keamanan Global Perdana (PGPF) di sini hari ini.

Yang turut hadir, isteri beliau, Tun Dr. Siti Hasmah Mohd. Ali, Pengerusi PGPF, Tan Sri Norian Mai dan Timbalan Ketua Polis Negara, Tan Sri Khalid Abu Bakar.

Sumbangan itu sebagai tanda penghargaan dan pengiktirafan kepada pasukan keselamatan negara yang berjuang mempertahankan tanah air terutama dalam kejadian pencerobohan penganas Sulu di Lahad Datu dan Semporna, Sabah.

Semalam, Menteri Dalam Negeri, Datuk Seri Hishammuddin Tun Hussein berpendapat, Malaysia tidak menolak kemungkinan menubuhkan RCI atau membuka kertas putih berhubung insiden itu kerana siasatan menyeluruh perlu dibuat bagi mengenal pasti motif sebenar kejadian tersebut.

Menurut beliau, RCI itu juga bagi meneliti kemungkinan terdapat pihak yang membiayai militan dari selatan Filipina untuk menggugat keamanan dan kedaulatan negara.

Dalam pada itu, Dr. Mahathir turut mempersoalkan sumber kewangan yang diperoleh penceroboh

tersebut mengambil kira latar belakang pihak yang mendakwa waris Kesultanan Sulu berkenaan yang bukan golongan berada.

"Dari mana datangnya duit itu, saya sendiri mahu bertanya, apatah lagi rakyat.

"Saya tidak fikir pihak yang mendakwa Sultan Sulu itu orang kaya kerana menurut kerajaan Filipina mereka sangat miskin. Mereka sebenarnya terpengaruh kononnya tindakan pencerobohan itu boleh menguntungkan mereka," katanya.

Terdahulu dalam ucapannya, Dr. Mahathir yang juga Presiden PGPF berkata, tuntutan penceroboh Sulu kononnya Sabah milik mereka adalah tidak berasas kerana Malaysia adalah sebuah negara merdeka yang diiktiraf Pertubuhan Bangsa-Bangsa Bersatu (PBB) dan rakyatnya berhak mempertahankan negara ketika diancam musuh.

Jelasnya, kerajaan turut mengiktiraf kewujudan orang Sulu di Sabah yang menjadi rakyat negara ini apatah lagi kumpulan masyarakat itu juga menolak sebarang tindakan penceroboh menakluk Sabah.

Penganas Sulu miliki dokumen

PUTRAJAYA 15 Mac - Jabatan Pendaftaran Negara (JPN) sedang menyiasat dakwaan terdapat dalam kalangan penganas Sulu di Lahad Datu, Sabah memiliki dokumen pengenalan diri negara ini.

Timbalan Menteri Dalam Negeri, Datuk Abu Seman Yusop berkata, pihaknya sedang menunggu hasil siasatan menyeluruh berhubung dakwaan tersebut.

"Tindakan undang-undang akan diambil berdasarkan keadaan tersebut nanti," katanya dalam sidang akhbar selepas merasmikan majlis Anugerah Perkhidmatan Cemerlang JPN di sini hari ini.

Hadir sama, Ketua Pengarah JPN, Datuk Jariah Mohd. Said.

Seramai 337 kakitangan JPN menerima anugerah perkhidmatan cemerlang pada majlis tersebut yang